

30.07.2015.



Upravni odbor Udruženja poslodavaca BPK Goražde održao je 29.07.2015.godine 37. redovnu sjednicu na kojoj se našlo 9 tačaka dnevnog reda.

Nakon usvajaja Zapisnika sa predhodne sjednice Upravni odbor je razmatrao Finansijski izvještaj Udruženja poslodavaca sa pregledom prihoda i rashoda za 6 mjeseci 2015.godine. Konstatovano je da se u narednom periodu treba posvetiti više pažnje naplati članarine, kao i obezbjeđenju finansijskih sredstava iz drugih izvora kako bi Udruženja poslodavaca moglo izmirivati svoje tekuće obaveze i sprovoditi programske aktivnosti.

Upravni odbor je primio k znanju Izvještaj o provedenim aktivnostima između dvije sjednice Upravnog odbora. Konstatovano je da je bilo mnogo aktivnosti, a one koje su posebno naglašene i razmatrane su: Obilježavanja 10 godina od osnivanja Udruženja poslodavaca, prijem delegacije privrednika iz Gračanice sa idejom povezivanja općina Gračanica, Gradačac, Tešanj i Goražde, odlazak na sastanak sa Premijerom FBiH 17.06., te mnoge druge aktivnosti.

Također, razmatran je odgovor Ministarstva za finansije BPK Goražde vezan za prijedlog Udruženja poslodavaca za rasterećenje privrede. U odgovoru se navodi da se nisu još stekli uslovi za izmjenama Zakona o porezu na imovinu, naslijede i poklon, Zakon o administrativnim

taksama, Zakon o sudskim taksama i drugim predloženim zakonima za izmjenu jer se nezna kakvi će biti finansijski efekti od izmjene Zakona jer su se isti tek počeli primjenjivati od 01.01.2015.godine, a da će se uzeti u razmatranje inicijativa Udruženja poslodavaca u procesu donošenja izmjena Zakona u narednom periodu.

U nastavku sjednice Upravni odbor razmatrao je Nacrt Zakona o inspekcijama BPK Goražde. Nije bilo primjedbi na teskt zakona, ali Upravni odbor smatra da je u dosadašnjem nadzoru rada inspekcije bio selektivni pristup, te da to u budućem radu treba promjeniti.

Upravni odbor smatra da inspekcija treba više posvetiti pažnje o izdavanju fiksalnih računa, te o kontroli preuzimanja istih od strane kupaca u zakonom predviđenoj udaljenosti od trgovačkog objekta.

Upravni odbor smatra da inspekcija treba posvetiti posebnu pažnju kontrolisanju prodaje voća, povrća i drugih sličnih artikala na mjestima koji nisu registrovani, te na taj način zaštiti privredne subjekte koji rade legalno i po zakonu, jer se na ovaj način ugrožava njihova konkurentnost.

Upravni odbor je razmatrao je Izvještaj o dodjeljenim koncesijama i efektima od dodjeljenih koncesija na području BPK Goražde. Upravni odbor Udruženja poslodavaca BPK Goražde smatra da pod hitno treba donjeti novi Zakon o koncesijama BPK Goražde, koji će kvalitetnije propisati oblast koncesija i poboljšati stanje u oblasti plaćanja koncesionih naknada.

Upravni odbor smatra da su dosadašnji efekti naplate od koncesija veoma slabi i da je iznos od 525.490,23 KM od početka primjene Zakona o koncesijama veoma mali i da u budućem periodu treba biti mnogo veći, kao i bolja iskorištenost prirodnih bogatstava.

Upravni odbor smatra da pored povećanja finansijskih prihoda, odnosno ubiranja koncesionih naknada novim Zakonom, treba nastojati da se upošljava nova radna snaga i angažuje više domaćih firmi.

Upravni odbor se nije izjašnjavao po javnom pozivu općine Goražde vezanim za predlaganje kandidata za dodjelu javnih priznanja ( zlatne i srebrenе plakete) iz područja privrede kako nebi

stavili u neravnopravan položaj jedne poslodavce u odnosu na druge, te je to prepušteno nadležnim u općini Goražde da predlože po kriterijima za koje smatraju da su adekvatni.

Do kraja sjednice Upravni odbor Udruženja poslodavaca primio je k znanju informaciju o donošenju novog Zakona o radu Federacije BiH. Novi Zakon o radu je utvrđen u formi prijedloga od strane Vlade FBiH, te se očekuje njegovo donošenje u Domu naroda FBiH 30.7.2015.godine.

Upravni odbor je upoznat da je Udruženje poslodavaca FBiH vodilo pregovore u Ekonomsko-socijalnom vijeću FBiH, te na taj način štitilo interes poslodavaca kroz pomenuti Zakon.

Tehnička služba Udruženja poslodavaca